

# MAJIBU YENYE FAIDA NO.5

KUHUSU

## MASWALI YANAYOFUNGAMANA NA MIFUMO MIPYA

## MTUNZI , SHEIKH SWALEH BIN FAWZAN AL FAWZAN

## **MFASIRI , ABUL 'AALIYAH UMAR BIN MUHAMMAD KONDO**

# PONGWE TANGA TANZANIA

**S**wali la tano: Ni yupi kati ya wawili hawa ana adhabu kali mbele ya Allah, wenye maasi au wenye bid'ah (wazushi katika Dini)?

**Jawabu :** Wazushi ni wenyе adhabu kali mno ; kwa sababu mwenye kumuasi Allah anatubia , ama mzushi (katika Dini) ni mara chache mno kutubia, kwa sababu yeye (mzushi) anadhani ya kwamba yuko katika haki,kinyume na mwenye kumuasi Allah kwa hakika huyu anajua fika ya kuwa anamuasi Allah,na anajua fika kuwa yeye ni mwenye kufanya maasi.

Ama mzushi, hakika yake anaona kwamba anamtii Allah,na anaona hakika yeye yuko katika twa'ah (utiifu),basi kwa ajili hiyo, imegeuka bid'ah (uzushi katika Dini)- Allah atuhifadhi- ni shari kubwa kuliko maasi na ndio maana salaf wema

waliotangulia wanatahadarisha kukaa na wazushi (katika Dini) kwa kuwa wao (wazushi) wanawaathiri sana wale watakaokaa nao na hatari yao ni kubwa.

Hakuna shaka ya kwamba bid'ah (uzushi) ni shari kubwa mno kuliko maasi, na hatari ya mzushi ni kubwa mno kwa watu kuliko hatari ya mwenye maasi, na ndio maana wamesema salaf (wema wliotangulia) : **“Kupita kati na kati katika sunna ni kheri kuliko kujipinda katika bid'ah (uzushi).”**